

學言无反難不護己短而懷嗔恚四者言行相副心恒質直不求他過以成鬪競五者法內兄弟若於聖教心有異者當即遠離不共住止亦不親近共成勢力故惱善眾

十功德者若有清淨電那勿等內懷功德性者當知是師有五記驗一者所出言語不損一切恒以慈心善巧方便能令眾人皆得歡喜二者心恒清淨不恨他人亦不造懲令他嗔恚口常柔軟離四種過三者於尊於卑不懷妬嫉四者不棄徒眾經論弟子隨所至方清淨住處歡喜住止不擇華好五者常樂教悔一切人民善巧智惠全修正道

十一齊心一等者若有清淨電那勿等內懷齊心性者當知是師有五記驗一者法主慕闍拂多誕等所教智惠善巧方便威儀進止一一依行不敢改換不專己見二者常樂和合與眾同